




醫經解惑論

中前

十武9
351
2



門 械 〇
歸 〇
卷 〇

醫經解惑論卷之中目錄

仲景立六經大意論一條

太陽篇大意

中風 傷寒 溫病 裏虛 瘧病 中溼
中暍 裏和 上表 實病 縱橫 停脈
裏滯 表病 上實 縱橫 停脈

陽明篇大意

太陽陽明合病併病 陽明少陽併病
三陽合病併病 和裏實 陽明少陽併病
裏滯 上血 實 熱入血室 裏虛裏實

少陽篇大意

太陽少陽併病 半表裏熱 裏虛
裏滯 少陽併病 半表裏熱 裏虛
太陰 裏滯 少陽併病 半表裏熱 裏虛

太陰篇大意

脾胃虛寒 表邪食治 太陽傷寒繫太陰
發黃治法 宿食治法 太陽傷寒繫太陰
藏寒 夾表邪 夾水氣 便膿血
咽痛 氣滯 邪上實 寒變作熱

少陰篇大意

少陽病似少陰 陰陽勝復作厥熱
少陽病似少陰 陰陽勝復作厥熱

厥陰篇大意

陰陽否隔 陰陽勝復作厥熱

周氏齋

周氏齋

周氏齋

周氏齋

寒暑濕燥火以之化之變也。仲景得此奧旨。於六經之首。舉六氣致病之大者。曰中風即風也。曰傷寒即寒也。曰中暍即暑也。曰中濕即濕也。曰瘧病即燥也。曰溫病即火也。夫六氣之變化無窮。而其所以感而為病者。皆莫不由襲虛而入矣。允其襲虛而入也。壯實者有一時之虛。或遇熱或勞力而汗出。或遇寒或房事而也。精或疾走多言而也。氣或大飲大食而傷胃。或大渴大飢而衰。中或憂思驚恐而傷神。或壓墮跌撲而傷氣。或刀劍破傷而也。血或天地之氣不正。人虛弱者有五藏之虛。又有氣由此致。虛是皆一時之虛也。虛弱者有五藏之虛。又有素有停滯。宿食熱痰飲。滯瘀血。而作虛者。是皆感夫六邪而為病之由也。允其感而為病也。其變化雖無窮。而其所客則不過在表在裏。在半表半裏。在上在下。而作虛實寒熱而已矣。故立六經為之經。舉六病為之緯。太陽篇則舉六氣之在表者。

為之細。因述裏和表病。裏虛表病。裏滯表病。及邪在上在下之脈證治法為之目。陽明篇則舉六氣之作熱而實於裏者為之細。因述表病裏實。半表裏實。表和裏實。裏虛裏實。裏滯裏實。及邪在上在下之脈證治法為之目。少陽篇則舉六氣之在半表半裏者為之細。因述表和半表裏表病半表裏裏虛半表裏之脈證治法為之目。太陰篇則舉六氣襲脾胃虛而作寒者為之細。因述表病作虛及濕熱發黃之脈證治法為之目。少陰篇則舉六氣襲腎虛而為寒者為之細。因述表和裏寒表病裏寒。氣滯裏寒。及寒變為熱。在上在下。在裏在膈之脈證治法為之目。厥陰篇則舉六氣襲肝虛而為上熱下寒。陰陽相格者為之細。因述陰陽勝復作厥利嘔噦。

霍亂之脈證治法為之目。壞病篇則述諸病之誤汗誤吐誤下誤水誤火。而後在表在裏在半表裡在上在下及裡虛裡滯結胸臧結心痞百合狐惑陰陽毒并差後勞復陰陽易等脈證治法以盡其蘊焉。表裡上下寒熱虛實脈證之變態治法之機關盡包括無遺矣。夫六病万病中之大且有邪者也。其大且有邪者即無逃乎其中。則其小者無邪者不過準此為治耳。然又有脈證參差難以六經總括者。故又別設各篇述其證治。以欲令後之醫者一遇諸病而有六經證則就六經篇中求其病原治法。有壞病證則就壞病篇中求之。非六經非壞病者。則就各篇中求之。不問土地不辨今古。不論運氣不拘春夏秋冬。不擇老幼男女貧富貴賤。皆各得其當矣。

程郊倩所謂千手千眼大慈大悲張仲景夫子。豈不然乎。古今讀仲景之書者。或以為冬時傷寒之治法。或言詳於外感略於內傷。或言詳於風寒略於暑濕。不及於燥火。或言溫暑及直中傳陰皆亡失無徵。諸如此輩皆可謂瞽瞍讀書者也。已今再舉六經之大意。以示初學之階梯。如丸學者熟讀此篇。而後合考本書。則庶幾微知仲景之本旨也乎。

太陽篇大意

太陽病者皮表受病之名也。凡諸邪之中人多先客於太陽。故首立此篇辯其脈證治法也。夫太陽之為病。脈浮頭項強痛而惡寒。凡諸病脈浮者頭痛者惡寒發熱者脈浮而頭痛者脈浮而惡寒者頭痛而惡寒者。不問何病皆名為太陽病。

當向此篇求其病原治法。更詳其兼脈兼證。知名何病。而處其治方。九邪之中人。不過風寒暑濕燥火六者耳。故先舉六病。辯其脈證治法。

中風 前所述之太陽病。兼汗出惡風。發熱脈緩。或弱或數者。名為中風。此其人表氣素弱而受邪者也。名為表虛。治法宜發汗補表。桂枝湯主之。若兼氣滯者。桂枝加厚朴杏子湯。若兼水氣者。小青龍去麻黃湯。若痰涎凝結者。先解表後以十棗湯下之。若水氣內停為水逆者。五苓散。若始得中風證。發熱有汗。後無汗。身疼。脈浮緊而煩躁者。大青龍湯。若桂枝湯證。而兼筋急四肢攣身疼足冷。脈緊者。皆裡虛裡寒之所致也。慎不可與桂枝湯。此外亦有兼裡虛者。有兼裡滯者。宜

詳而治之。若變見陽明少陽及三陰脈證者。宜就各經篇中求治法。

傷寒 前所述之太陽病。兼或已發熱。或未發熱。必惡寒。體痛。嘔逆。脈陰陽俱緊者。名為傷寒。此病或有汗。或無汗。此其人素虛弱。或雖壯實之人。而一時有虛。而感於風寒濕氣。內外俱冷。太陽少陰俱受邪者也。此病大都分為三種。一曰表實傷寒。二曰兩感傷寒。三曰三陰病是也。表實傷寒者。始雖內外冷。而其人藏氣素盛。故暫時陽氣自復。裏氣自溫。寒邪不能留伏於少陰。乃隨經浮出於太陽之營分。然始中於表之邪。在衛分。營衛俱病。發熱惡寒。頭痛身疼。無汗。脈浮緊也。治法宜發汗。瀉其表。麻黃湯主之。邪輕者。桂枝麻黃各半湯。桂枝二麻

黃一湯。隨證擇用。若內熱者大青龍湯。麻黃杏仁甘艸石膏湯。桂枝二越婢一湯。白虎湯。白虎加人參湯。竹葉石膏湯。夾痰飲者小青龍湯。五苓散。茯苓甘草湯。桂枝去桂加茯苓白朮湯。瘀血者先解表而後下其血。桃核承氣湯。抵當湯。九此外有宿食者停酒者氣滯者上實者詳而治之。若轉見陽明證當下之。於陽明篇求之。若見少陽證宜和解之。於少陽篇求之。若變見三陰諸證就三陰諸篇求之。兩感傷寒者寒邪中於表裡其人藏氣虛弱陽氣不能自復其中於裡之寒邪留伏於少陰其中於表之邪作熱流連於三陽乃為表熱裡寒之病矣。或謂之夾陰傷寒。陶氏六書以此證或名伏陰或名陰證謂之伏陰猶可謂之陰證誤也今之醫慣聞陶氏之說皆以此病名陰證可謂昧矣若其虛甚其邪急者衝入於

藏三日而遍傳六經水漿不入不知人者六日死。內經所謂其兩感於寒者心不免於死是也。內經謂三日傳六日死者者初作太陽證卒變或舌縮語澀或神昏譫語或口眼喎斜或半身不遂或吐利煩躁或筋肉痠痛或汗出不止或厥逆大渴或吐衄便血或咽腫痛二三日四五日而死或厥逆色不寢或周身黑點或周身紫黑或半身紫黑者往往目擊是皆兩感傷寒其虛至甚其邪至急之所致也若其虛不甚其邪不急者皆可治得生矣。其脈證率同於表實傷寒而必兼裏虛脈證一二或似表虛中風而兼脈緊動數身疼腰痛筋急足攣小使數等證也。治法宜先溫補其裏而後解其表邪。溫補其裏小建中湯理中湯炙甘草湯四逆湯黃連湯葶藶隨證擇用。若解其表小柴胡湯桂枝湯柴胡桂枝湯葶藶隨證擇用。又有夾裡滯者詳而治之。若變見陽明少陽及三陰證者宜就各經篇中求治

醫經解題
卷中
宗世堂

小僂。五苓散茯苓甘草湯茯苓湯若傷寒八九日風濕相搏者。
桂枝附子湯去桂加白朮湯甘草附子湯隨證擇用。若發黃者。裡虛者。裏滯者。詳而治之。若變見陽明少陽三陰證者。宜就各經篇中求治法。○風濕發汗者。必不可大出其汗。但微似欲出汗為宜。若濕家為陽明內實證者。不可早下。宜候內實真證悉具。而後下。若下之早。則致壞病。

瘧病。前所述之太陽病。兼項背強口噤背反張等證者。名為瘧病。此其人津液素少而感邪。邪熱燥耗筋肉之液。或發汗多。血液燥涸。又受風寒濕氣。或風病誤下。或產後金瘡癰疽膿潰。而血燥液竭。而邪襲其虛者也。若汗出惡風者。為表虛。名曰柔瘧。桂枝加葛根湯。括萎桂枝湯。隨證擇用。若無汗。

惡寒者。為表實。名曰剛瘧。葛根湯。或續命湯。若脈實大便鞭。裏實證見者。大承氣湯。若發汗多。及產後金瘡癰疽膿潰。而致瘧者。後世謂之破傷風。不問剛柔。先補之。桂枝加附子湯真武湯四逆湯四逆加人參湯。而後邪尚在。乃發散之。又有裏滯者。詳而治之。若變見陽明少陽及三陰證者。宜就各經篇中求治法。

溫病。前所述之太陽病。兼發熱而渴。不惡寒者。名為溫病。此冬不藏精。而傷於寒。正氣由此虛微。津液不盛。至春夏不耐時令之溫熱。感即病者也。夏至以前發者。名病溫。夏至以後發者。名病暑。名雖異。其實同病耳。雖有表證。不可發汗。誤發汗。而虛其表氣。則風氣乘其虛。風與溫邪相搏。身灼熱自

醫經解題
卷中
宗世堂

醫經解題
卷之七
論汗

汗出。名曰風溫。其病難愈。雖有內實證不可下。雖有可火證不可火。誤下誤火則必不免於死。但當潤補其中。以助其津液。津液盛。游溢於周身。則大汗出。邪熱無客。地隨汗自解。內經所謂當與汗是也。白虎加人參湯。竹葉石膏湯。麥門冬湯。後人八物湯。十全大補湯。逍遙散。四物湯。固本丸。味丸。烏梅丸。湯生脈散。六味丸。滋陰降火湯。葦隨證擇用。又有兼裡滯者。詳而治之。若變見陽明少陽及三陰證者。宜就各篇求治法。○已上六病。脈證治法之大槩也。然通考其病機。則不過於在表裡上下。作寒熱虛實。而通考其治法。則不外於在表發之。在裡下之。在上吐之。在下滲之。在半表裏和解之。虛者補之。實者寫之。寒者溫之。熱者涼之矣。其機其法。盡在風寒二病之中。其他四病。則不過於準之為治耳。然仲景以溫病

附之於風寒二病之次。而於其治方。則未出一方。瘧濕喝三病。別立篇略述其證治者何也。蓋溫病比於風寒二病。則禁發汗下火。而主潤補。其諸方皆可通用。不必別立篇。故附之風寒二病之次也。若夫瘧濕喝三病。雖亦宜準於風寒。而通用其諸方。又有一二宜別治者。故別立篇述其異。以見此宜別治者。一二之外。皆宜隨證通用六經之諸方耳。故六經篇中。多舉中風傷寒為稱。或稱太陽病。陽明病。少陽病。太陰病。少陰病。厥陰病。或但稱病。稱病者。病人。此皆總攝諸病之辭。非單指中風傷寒也。以見通用也。故世謂仲景詳於風寒。略於暑濕。不及於燥火。或謂溫暑及直中傳陰皆已失無徵。或新立溫暑治法。立燥火二門。以為補亡者。皆不得其旨者也。

醫經解題
卷之七
論汗

太陽病裏和表病當直治其表

裏和者謂藏府氣血和平無病也。凡諸病口舌和而不苦。不燥。不渴。舌不短。咽中不閉塞。不乾燥。心中不悸。脇不滿。不痛。腹中無動氣。不滿。不痛。不鳴。不急。縮。無吞酸。噎腐。嘔吐。噦。餒。惡心。身體振慄。筋惕肉瞤。四肢厥冷。筋急等證。二便如常。脈左右三部皆浮。無一部有虛微弦滑遲瀯濡弱厥代等診。如此而但見太陽。頭項強痛。惡寒。惡風。證者。此謂裡和表病。脈浮緩。或浮弱。或浮數。或但浮不緊。發熱汗出者。為表虛。治宜發汗補其表。桂枝湯主之。若脈浮緊。或浮數。或但浮有力。發熱無汗。身痛。腰疼。骨節煩疼者。為表實。治宜發汗。寫其表。麻黃湯。桂枝麻黃各半湯。桂枝二麻黃一湯。隨證揮用。

太陽病裏虛表病當先補其裡後治其表

裏虛者謂藏府氣血虛耗而陰陽有虧也。內經所謂兩感。後世所謂外感內傷相兼者也。又名夾陰病。以陽證夾陰病。故也。龔氏曰。春以脈來沈細。或伏。面色青。手足冷。小腹絞痛。甚則吐利。舌卷囊縮。為夾陰中寒。非也。此即仲景所謂少陰病也。然若見太陽脈證而兼此。凡人素弱。脾胃肺腎有虧。而汗常易出。易感外邪。飲食進退。二便不調。精液易泄。短氣疲。倦。瘦弱。肥白者。或雖稟受壯實之人。而大勞失汗。過慾失精。飢飽不節。以傷胃。疾走多言。以傷氣。思慮悲恐。以傷神。經漏。帶下。生產淋疾。刀刺鍼灸。吐衄。便血。瘡癰。膿潰。壓墜。跌撲。以。血。欬。嗽。嘔。吐。泄。瀉。下。痢。以。血。液。及。凶。年。飢。歲。貧。窶。雜。食。而。脾胃脆弱者。皆為裏虛而感邪也。此不啻表受邪而裡亦受。

醫經解... 中... 九... 崇古堂

邪者也。其病雖見太陽脈浮頭項強痛惡寒惡風發熱等證。或似中風。或似傷寒。而心兼裡虛脈證一二也。大抵裡虛有六辨。曰上焦心肺陰虛。膈中陽虛。膈中即心所居也。中焦脾陰虛。胃陽虛。下焦腎陰虛。元陽虛是也。即膈中陽主表前所述虛病也。故不列于此。凡裡虛者。或頭運目眩。上焦陽虛也。又有水停者。或食穀欲嘔。胃陽虛。或口舌乾燥。俱有諸虛。或舌縮語澀。或咽痛脛酸。或咽中閉塞。俱下焦。或咽喉乾燥。上焦陰虛。中焦陰虛。或心中動悸。上焦陰虛。中焦陰虛。或腹中有動氣。上焦陽虛。中焦陽虛。或腹中雷鳴。下焦陽虛。或腹中疼痛。中焦陰虛。又有宿食滯者。或腹中急縮。脾胃。或腹中脹滿。腎陽虛。或嘔吐噦餒。中焦陽虛。又。又有氣滯。或虛渴好溫。中焦陽虛。或好冷水而不多飲。陰虛。

中焦陰虛。下焦。或脇肋滿痛。脾胃虛。又少陽病。或四肢厥冷。胃腎虛。或身體戰慄。或筋惕肉瞤。俱下焦。或肢體筋攣。血虛。又下。或大便泄利。胃腎。或欬而小便利。若失小便。肺腎。或欬而嘔逆。胃肺。虛。或小便數。或小便多利。俱肺氣虛。腎陰虛。皆有。或身體怠惰。或精神昏倦。或眼精無神。或面色危衰。俱諸虛。其脈沈遲虛瀯微弱。結促厥代芤革。或左右三部中一處得此脈。或脈緊動數而汗出似中風。下焦。或脈浮緩而身疼腰痛似傷寒。下焦陽虛。又血虛。以上諸脈證。皆裏氣虛衰而受邪之所致也。凡太陽表證而兼此證。此脈一二者。為裡虛表病。如是者。雖病在表。不可發汗。一誤發汗。奪其津液。則益虛其正氣。邪氣反盛。而變不可勝言也。惟宜先調補其內。令正氣盛焉。小建中湯。治中焦理脾陰虛。

文... 卷... 中... 崇古堂

醫經解... 中... 崇... 堂... 補

中湯治中焦 吳茱萸湯同上 炙甘草湯治上焦 四逆湯治下焦

真武湯治下焦 黃連湯胃虛冷 附子若肺胃虛冷用 小黃湯若肺腎虛冷 諸方詳見于下卷 補陰補陽諸方

脈證擇用若肺胃虛冷用 此外補虛諸方 詳見于下卷補陰補陽諸方

正氣已盛則營衛自張于外而邪之微者解圍自去不必

用散解之藥矣若裡氣雖已復而其表邪尚流連不去其表

邪增劇者乃當議解散焉仲景曰下利腹脹滿身體疼痛者

清便自調者急當救又有裡氣虛而受邪表氣由是不運假

見表證者亦宜前諸方擇用裏氣復則表氣自和仲景曰病

溫其裡宜四逆湯是也又有裡氣虛表由是不固而受邪

其裡不受邪者如此者但補其裡而固其表則表邪自退此

東垣辨惑論所述內傷病補中益氣湯證也此證宜擇黃耆

建中湯黃耆桂枝五物湯桂枝加黃耆湯 和中散十全

大補湯葷不可必 又有表病似裏虛者但治其表則其裏不

補自和拘泥於一益氣湯

太陽病夾裏滯者當雙解表裏

裏滯者積熱痰飲宿食停酒氣滯瘀血是也凡內有留滯而

外感邪者與外感邪而內生留滯者俱宜內外兼攻焉夫有

留滯而感邪者蓋內有留滯則藏府不能安和營衛由是不

流暢乃致腠理不密而受邪者也外感邪而後生留滯者蓋

外感邪則經隧澁滯營衛失度藏府由是不安和加之七情

飲食服藥之誤則勢易瀝水易停食易宿氣易滯血易瘀夫

如是者單發散外邪則外邪與內滯相引不解單疏內滯則

表邪乘虛內攻非內外齊攻則不可但瘀血一證不宜內外

少商... 十一... 崇古堂

齊攻當先解其表後乃治其血。又有內有留滯而表氣由是不運。假見表證者如是者單疏其內滯則表證自除。又有表病似裏滯者但解其表則裏滯不疏自去。今區別各證臚列于左。

內熱

表病夾內熱者因內素有內熱而感邪。或邪在表者妄用熱藥食熱物而生內熱。或時令酷熱內外俱熱。或世遇陽盛之運或土地陽氣盛表裏俱熱也。凡內有熱者或口舌乾燥或舌上黃赤焦色或煩渴好冷水飲而不嘔不利小便不數腹中不鳴或喜飢善食食而不吐不噦腹中不滿或小便赤黃渾濁大便如常或燥或焦赤。已上皆燥熱之候也又有濕熱詳見下卷治實其脈或數疾或緩遲或洪大或細微或濡弱或實強俱有

根有神者是也。有已上脈證而見表證者為表病夾內熱也。

治宜發散清涼兼施大青龍湯桂枝二越婢一湯麻黃杏仁

甘草石膏湯之類。隨證擇用。後人防風通聖散桂枝石膏湯

湯之類凡清內熱解外邪之諸方皆從此諸方而出也此證若小便清白或淡黃及口

舌和不燥不渴者雖有內熱之證非真熱是裡和表邪怫鬱

所致也。如此者不宜清涼之藥。唯用桂枝麻黃之類治其表

則怫鬱解而熱自去。又有內熱甚表陽由是不伸而見表證

者治宜單清其內熱。熱本則陽氣外達表證自除。白虎湯白

虎加人參湯竹葉石膏湯隨證擇用。又若兼口苦咽乾目眩

耳聾脇滿或痛等證者此少陽病宜就少陽篇求治方。又有

內熱證而渴好溫熱湯惡冷水或渴好冷水飲之而或嘔或

噦或飮。或下利。或腸鳴。或小便清。或食穀欲嘔。或見食而嘔。或下利清穀。或腹痛腸滿。或小便數失。或欬而失小便。或煩而吐蛇。或渴而心痛等證者。皆屬三陰虛寒之病。是表熱裏寒之所致也。宜就三陰篇求之。

痰飲 仲景不分痰與飲。後世分之。痰者津液凝滯所成。故稠飲者。飲水停留所致。故稀痰也。飲也。雖有稀稠之異。而均是水也。宜乎仲景之不分也。內經曰。飲入於胃。遊溢精氣。上輸於脾。脾氣散精。上歸於肺。通調水道。下輸膀胱。水精四布。五經並行。然使其水游溢輸歸。而成津液。四布並行者。全賴陽氣之功矣。或因飢飽勞逸。或因七情酒色。或因外感邪氣。或因汗吐下瀉。而使陽氣衰弱。則不能游溢輸歸。乃致成痰。

飲矣。凡太陽病。而兼喘急欬嘔逆吐痰。短氣滿悶胸膈不利。目眩心悸。心下支滿。不能安臥。腹鳴腸脹。小便不利。大便不覺出水等證者。皆為表邪夾痰飲也。治宜壯陽解外。利水相兼施之。小青龍湯。茯苓甘草湯。五苓散。苓桂朮甘湯。苓桂甘棗湯之類。隨證擇用。又有表邪已解。但因停水假見表證者。茯苓白朮湯。真武湯。猪苓湯。八味丸之類。隨證擇用。但利其水。則表證自除。又有十棗湯一證。此痰涎凝結於腸下。其病深痼。不可表裡兼攻。當先解其外。後乃攻其痰。凡諸病兼痰飲者。固多。當合考壞病篇。水後諸證。及痰飲篇。博用諸方。停酒 太陽病夾停酒者。或嗜酒之人。感於邪。或感於邪而後飲酒。酒氣與邪氣相合者也。仲景曰。若酒客病。不可與桂

枝湯得之則嘔。以酒客不喜甘故也。夫既不喜甘，則知其胸中胃脘有停滯也。宜以苦辛治之耳。若身熱解情汗出如浴，惡風少氣，或發熱煩渴，或小便不利，或大便稀溏，素問病態論澤瀉白朮麩銜湯及五苓散，葛花解醒湯，隨證擇用。若酒毒在胸膈，邪氣在表，而外作頭痛發熱惡寒身疼等證，內作胸膈不利，或痛或煩，熱作渴者，敗毒散十神湯，香葛散，參蘓飲，隨證擇用。若酒濕在於脾胃，邪氣在於表，而見表證，兼之腹滿惡食嘔逆惡心腹痛泄利欬喘胸痞等證者，藿香正氣散，不換金正氣散，八解散，香蘓散，隨證擇用。若患傷寒熱病之人，誤飲酒致熱盛，煩躁譫語潮熱發渴者，亦先用敗毒散，香葛散，參蘓飲之類，以消散毒氣為宜。若未效，乃用柴胡解

毒白虎等寒劑。若小便不利，或下利者，五苓豬苓柴苓之類。若脈實大便鞭者，承氣湯。若脈弱精神衰，少食痞滿，或兼嘔泄，六君子湯。理中湯。錢氏白朮散。世人不知此辨，例用黃連解毒之類，殺人甚多。衰哉。○或問：觀仲景之言，似嗜酒之人，必不可用桂枝湯。如何？曰：不然。仲景之所戒，為酒濕畜於內，而不喜甘者耳。若夫雖嗜酒之人，而其內和無病，不惡甘，不嘔惡，而患中風表虛之病，則桂枝湯何所忌哉？予嘗治酒客患中風，裏和無病，不惡甘，不嘔逆惡心者，皆用桂枝湯得愈。未有一人嘔者。此其人雖嗜酒，而其內無停滯故也。

宿食 太陽病夾宿食者，或素有宿食而感邪，或感邪而後誤飲食服藥，或土地氣運濕邪盛行，內傷脾胃，外傷經絡，內

外合邪。或飢饉之歲。度民雜食傷脾胃。且氣運不正。而成疫癘者。此病間多矣。仲景曰。脈緊頭痛風寒。腹中有宿食不化。或脈緊如轉索無常者。有宿食也。凡心腹痞滿不思飲食。或嘔逆惡心。或吞酸噯腐。或心腹刺痛。或二便不調。或腸鳴腹急。或腹中有動氣。或大便滑利。或喜燥物疏食。而惡甘肥油膩厚味之物。或日晡潮熱。或夜熱盜汗。或欬喘嘔吐。至晚甚。其脈或緊或濡或緩或大。或滑或數。凡太陽病。而兼此脈證。一二者。是夾宿食之候也。治宜消食解邪相兼施之。厚朴生薑半夏甘草人參湯。加解表藥。後人藿香正氣散。不換金正氣散。人參養胃湯。十味不換金散。八解散。普賢正氣散。行氣香薷散。隨證擇用。又無外邪。但因宿食而表氣不和。假見表

證者。但消其食。則表證自除。香砂平胃散。消食散。香砂二陳湯。七味清脾湯。擇用。

氣滯 太陽病夾氣滯者。或素有七情氣滯之病。而感邪。或感邪而後傷於七情。而致氣滯。或時令不正。人氣不和。不正之氣感於人。遍於經絡。壅於府藏。正氣由是鬱而不伸。其病表裡兼見者也。仲景立桂枝加厚朴杏子湯一方。以示其法。例此肺胃有氣滯。受表邪者之設也。後人制烏藥順氣散。人參順氣散。消風百解散。川芎茶調散。人參敗毒散。參蘓飲。芎藭散。香薷散。十神湯。香葛散。神受太乙散。藿香正氣散。人參養胃湯。五積散。聖散子等方。治之。皆為表邪夾氣滯者設耳。大抵氣滯于上焦。則作頭痛發熱甚。欬嗽喘急。咽膈不利。或

痛等證人參敗毒散。消風百解散。川芎茶調散。參蘓飲之類。隨證擇用。氣滯于中焦。則作食飲不進。噫氣吞酸。心下痞塊。臍上築動。嘔逆惡心。或喜苦辛。疏食惡甘肥油膩。或心腹脇肋刺痛。或霍亂吐瀉等證。藿香正氣散。不換金正氣散。人參養胃湯。香蘓散。行氣香蘓散。人參順氣散。烏藥順氣散。十神湯。香葛散之類。隨證擇用。氣滯于下焦。則作臍腹攣痛。腰腿酸疼。手足厥冷。二便不調等證。五積散。聖散子。三和散之類。隨證擇用。今之醫不用仲景之神方。一遇表證。則不辨其有氣滯無氣滯。專通用此諸方。使裏和表病者耗其氣。裏虛表病者重其虛。邪氣散漫。變證多端。輕者千辛萬苦。引日寢愈。重者終不免於死。誠為可悼矣。

畜血

太陽病夾畜血者。或素有瘀血而感邪。或感邪後誤

服藥而成瘀血者也。

病證仲景本文明白故不述

夫血者人身河渠。貴流通

不貴凝滯。一有凝滯。則其血瘀。或當汗不汗。熱滯熬血。或不當汗而汗。則津液內竭。致血乾凝。或妄利小便。以竭津液。致血瘀畜。或素有跌撲閃挫。經閉生產等瘀血。或善思善鬱。或過食煎煇火酒等物。以致血熱瘀滯者。皆成此證也。治不宜表裡兼攻。宜先解其外。而後攻其血。桃核承氣湯。抵當湯。丸。隨證擇用。又畜血似表證者。但利其血。則表證自除。抵當湯之證表是也

太陽病上實當吐之

上實者邪氣滯於上焦也。其因有三。一曰痰涎結于膈上。二

曰宿食壅于上脘。三曰邪氣聚于胸上。三者雖異其見證率相類。或見太陽證。或見少陰厥陰證。或見陽明證。上實證仲景本文明白故不。如是者皆宜吐之。即其邪隨吐而去。瓜蒂散。梔子豉湯。隨證擇用。○九上實似下虛者。吐之則其虛不補。自復。若下虛似上實者。單補其虛則其實不吐自退。若上實下虛相兼者。當先補其虛而後吐其實。上

太陽病從橫當寫其乘者

此因感邪藏氣偏勝者也。夫藏氣偏勝則其強者必乘其弱者。平脈篇曰。水行乘火。火行乘木。名曰縱。火行乘水。木行乘金。名曰橫。水行乘金。火行乘木。名曰逆。金行乘水。木行乘火。名曰順。仲景再於此篇舉木行乘土。土行乘金。縱橫二證以

示其治例。二者俱刺期門以寫肝木。則土與金不治而自安也。夫縱橫之治法如是。則逆順之治法亦如是。可推知也。其觀肝木乘他藏者。不問縱橫逆順。唯寫其肝木。則餘藏相乘亦各寫其乘者可推知也。其乘者同。則其所乘者雖異。而其治法皆同。此非特傷寒也。万病皆然。由此觀之。凡万病其本原同。則其脈證雖異。而當同其治矣。內經曰。治病必求於本。又曰。治之極於一。一者因得之。又曰。知其要者。一言而終。不知其要者。流散無窮。此之謂也。此篇二條。此治病之治法。醫者潛心反復而得其旨。則五藏縱橫逆順之治。可運之於掌矣。○或問。子言得此二條之旨。則五藏縱橫逆順之治。可運之於掌矣。吾輩不能觸類長之。請述其大略。曰。夫肝脈弦也。

心脈洪也。脾脈緩也。肺脈毛浮也。腎脈沈石也。凡得肝脈而見肝病。此本藏自實也。得肝脈而見脾病。此肝乘脾也。名曰縱。若見肺病。此肝乘肺也。名曰橫。若見腎病。此肝乘腎也。名曰逆。若見心病。此肝乘心也。名曰順。五者其證雖異。而其本皆因肝木有餘。則宜寫肝而實脾。餘藏倣此。○問。乘者皆實。而所乘者皆虛耶。曰。然。曰。然則從前諸治法。皆先補其虛。而後寫其實。今反先寫其實。而不恤其虛者何也。曰。從前諸證。皆因其虛而受邪者也。故先補之。今此諸證。皆因其實而乘侮其弱於己者。故先寫其乘者。則其所乘者自安耳。此以所乘者非真虛故也。若因其藏虛而不虛之藏乘之者。宜補之。乃其乘者自平。○問。平脈篇所謂縱橫逆順。與此條有異耶。

曰。雖有小異。而其實則同。但彼以脈之部位分之。此以脈與證辨之。是為異耳。○問。此條二證。唯刺期門而不用藥耶。曰。歷考仲景用鍼灸諸證。皆依其主藥之所不及耳。豈有單用鍼灸而不用藥者哉。其刺期門諸證。皆依小柴胡湯之所不及者也。然則此二證亦內服小柴胡湯。外刺期門也。可知。詳見

于類編

太陽病脈停者。當或不用治。或汗。或下。

停止也。息也。言脈伏止。不見諸家多解為調停之義。誤也。程氏以為停止之義。今從之。○太陽病不解。脈尺寸俱停止。不見者。必先振慄。汗出而解。不必用藥也。但寸脈微見者。用解表之藥。汗出而解。但尺脈微見者。用調胃承氣湯下之而解。

醫經解或疑論

卷八 崇古堂藏

陽明篇大意

陽明病有經府之別。經病者邪熱在肌肉。此或從太陽傳。或陽明直中。其證身熱目疼而鼻乾不得眠。其脈浮大也。此病兼見太陽證者常多。論中所謂太陽陽明合病是也。陽明經證獨見者幾希矣。府病者邪熱在胃中。此或從太陽或從陽明經。或從少陽而傳於太陰經。隨經入于胃者也。內經曰太陰脈布于胃中是也。又有藏氣充實。陽神壯盛之人。一時有虛而受三陰寒病。陽忽自復。寒變為熱。其熱轉入于胃者。仲景曰陽明之為病胃家實也。九云家者皆指其素常而言。此不曰胃實言胃家實者。此示非胃氣素實者。則不能成陽明內實之病也。內經曰二日陽明受之者謂經病也。四日太陰受之者謂府病也。

也。此但舉六經次傳之常。以立法耳。至今病者。則其傳之速者二三日而受之。其傳之遲者七八日或至十餘日而受之。其證身熱汗自出。不惡寒。反惡熱。及潮熱譫語。四肢濇濇汗出。或腹中鞕。或腹滿痛。或大便不通。其脈沈實而有根。有神。其舌上或黃。或赤焦。或黑始。其小便必赤。凡諸病見此證一二者。不問何病。皆名為陽明病。當向此篇求其病原治法。上

太陽陽明合病併病治法

太陽陽明合病者。謂太陽脈浮。頭痛惡寒等證。與陽明脈大。身熱目疼。鼻乾不眠。及身熱汗自出。不惡寒。反惡熱。及潮熱譫語。腹滿肢汗。便難等證。相合兼病者也。若先得太陽證。後得陽明證者。謂之二陽併病也。仲景立例示法之條。則直言

合病併病。不細述其脈證。但述其兼證。如所謂太陽與陽明合病必自下利是也

視證處方之條。則太陽證多。陽明證少。則言太陽病。或言傷

寒。如所謂太陽病項背強几几。陽明證多。太陽證少。則言陽

明病。如所謂陽明病脈浮無汗而喘是也。不獨太陽陽明。其他合併病皆然。其

言雖不一。而其實皆二經之脈證兼見者也。其治法大抵有

四。一曰太陽陽明二經受邪者。當兼治二經。桂枝加葛根湯。

葛根湯。隨證擇用。二曰太陽受邪。表氣不運。陽明由是怫鬱。

假兼見陽明證者。桂枝湯麻黃湯各半湯。隨證擇用。單解太

陽。則陽明假證自除。此二證其脈必浮其小便淡黃。三曰邪已入胃。見陽明

裏實證。而太陽表證未盡者。先以桂枝湯解其表。而後以承

氣湯攻其裡。四曰邪已入胃。裡氣結實。表氣由是不運。假見

表證者。但以承氣湯攻其裡。則太陽表證自除。此二證其脈不浮且其小

便赤。又有裡虛裡滯者。宜詳而治之。

陽明少陽合病併病治法

陽明少陽合病者。謂陽明脈大。身熱目疼。鼻乾不得眠。及身

熱汗自出。不惡寒。反惡熱。及潮熱譫語。腹滿肢汗。大便鞭等

證。與少陽脈弦。口苦咽乾。目眩。及往來寒熱。胸脇苦滿。或痛

默默。不欲飲食。心煩喜嘔等證。相合兼病者也。若先見少陽

後見陽明。或先見陽明。後見少陽者。可謂之陽明少陽併病

也。仲景立例示法。則直言合病。如所謂陽明少陽合病。視證處

方。則陽明多。少陽少。則言陽明病。如所謂陽明病。胸脇滿不去。是

也。若本從太陽得之。則言太陽病。或言傷寒。如所謂太陽病。過經十餘日。及

經十餘日。及

傷寒十餘日。其言雖不一。而其實皆二經脈證無見者也。其治法大抵有四。一曰少陽受邪。半入于胃者。和解攻下。兼施大柴胡湯。柴胡加芒硝湯。柴胡加龍骨牡蠣湯。隨證擇用。若少陽之邪盛。陽明之實微者。先以小柴胡湯解少陽。後用大柴胡湯。柴胡加芒硝湯。二曰少陽受邪。清氣不升。濁氣不降。胃氣由是不和。假見陽明證者。單以小柴胡湯。柴胡桂枝湯。和解少陽。則陽明假證自除。三曰邪已入胃。胃中結滯。清氣由是不升。濁氣由是不降。假兼見少陽者。直以大承氣湯調胃承氣湯。攻陽明。則少陽假證自除。四曰陽明少陽二經受邪者。用小柴胡湯。單解少陽。則陽明經邪亦隨自解。又有裡虛裡滯者。當詳而治之。

三陽合病治法

三陽合病者。謂太陽陽明少陽三證兼見者也。此無併病說。見于類編。仲景立例示法。則言三陽合病。視證處方。則陽明證多。則言陽明病。或言陽明中風。如所謂陽明病。脈浮而緊。云云。及陽明中風。脈弦浮大。云云。陽明中風。口苦咽乾。云云。其言雖不一。而其實皆三經脈證見者也。其治法大抵捨太陽陽明。而取少陽。以小柴胡湯主之。以少陽為一身樞機故也。說見于類編。然而若裡熱甚者。白虎湯。白虎加人參湯。以涼之。上實者。梔子湯。以吐之。膀胱熱者。猪苓湯。以滲之。三陽合病之治。已上四法盡之。又有裡虛裡滯者。當詳而治之。

陽明病表和裏實。無裏虛證。當直攻下。

表和者謂三陽經無邪也。其證身熱汗自出，不惡寒，無頭痛，身疼腰疼等證。其脈不浮者是也。裡實者邪熱結實于胃中，也。其證潮熱譫語，四肢濺然汗出，大便鞭，腹中鞭，或滿痛，小便赤，或數，舌上黃赤焦黑，飲食喜冷，其脈沈實有力者是也。如此而無一兼裡虛證者，宜攻下之。調胃承氣湯，小承氣湯，大承氣湯，麻子仁丸。此方脈浮，瀉者用之。若一有裡虛證，決不可下。

陽明病裡實兼裡虛者，當先補其虛。

脈浮惡寒，頭痛身疼，無汗，口舌和大便如常，小便清或淡黃，胸滿面赤，已上數證，但見一證，則雖裡實證，具決不可下。此有表病者，當治其表。有裏虛者，當補之。○脈緊或濡或芤革，或厥或結代，大渴咽塞，嘔多欲吐，飲水而嘔，及噦，飲食好溫。

熱惡冷，食穀欲嘔，頭眩心悸，筋攣急，筋惕肉瞤，戰慄，腹滿腹脹，時減時滿，腹脹可按，可揉，虛濡，心下鞭滿，心痛，腹中動氣，腹中雷鳴，舌縮言澁，欬而吐涎沫，欬而嘔逆，欬而小便利，若失小便，小便多利，下利清穀，四肢逆冷，大汗出後，泄利後，脫血後，太陰病，少陰病，厥陰病，少陽病，脈沈不實，不疾按之無力，脈沈實而左右三部之中一處得虛脈，已上諸脈證，皆藏虛裡寒之所致也。凡諸病見此證，此脈一二者，雖陽明內實，脈證具而不可妄下也。但當先補其裡。小建中湯，理中湯，吳茱萸湯，炙甘草湯，四逆湯，真武湯，八味丸，芍藥甘草附子湯，芍藥甘草湯，甘草乾薑湯，黃連湯，烏梅丸，柴胡桂枝湯，蜜煎猪膽導，後人參苓白朮散，八物湯，大補湯，益氣湯，和中散，四

君子湯輩。隨證擇用。用之後虛證雖已復而其裡實證尚未
罷者。乃可議下。又有見此證一二而可下者。此乃裡實似裡
虛者耳。當詳其原因。說見于類編其太陰少陰厥陰等病。無裡實
者。當就其本篇求之。少陽病無裡實者。當求之於陽明少陽
合病三陽合病。

陽明病夾裡滯治法

裡滯脈證見前太陽篇大意

仲景不詳論。今推諸篇之意。述其大槩如左。

內熱 經病夾內熱者。桂枝加葛根湯。葛根湯加涼藥。或葛
根黃芩黃連湯。內熱作經病。及內熱作府病者。白虎湯。白虎
加人參湯。竹葉石膏湯。隨證擇用。
痰飲 猪苓湯。五苓散。茯苓甘草湯。小青龍湯。十棗湯。茯苓

白朮湯。隨證擇用。

停酒

經病夾停酒者。十神湯。太乙散。香葛散。香薷散。藿香
正氣散。人參敗毒散。參蘓飲。芎藭散。若小便不利。或作渴者。
病態論之方。五苓散。胃苓湯。若停酒作經病。及府病。因停酒
者。敗毒散。參蘓飲。香葛散。藿香正氣散。白虎湯。黃連湯。涼膈
散。葛根芩連湯。大小承氣湯。六君子湯。錢氏白朮散。隨證擇
用。

宿食

厚朴生薑半夏甘草人參湯。八解散。藿香正氣散。不
換金正氣散。行氣香薷散。人參養胃湯。香砂平胃散。七味清
脾湯。消食散。香砂六君子湯。大承氣湯。隨證擇用。
氣滯 十神湯。香葛散。太乙散。柴胡飲子。錢氏白朮散。小通

氣散厚朴湯參蘓飲調中益氣湯升陽瀉濕湯三和散烏藥
順氣散隨證擇用

瘀血 抵當湯

陽明病上實當吐之

陽明病心中懊懣舌上有胎者梔子豉湯主之

陽明病熱入血室治法

陽明病下血譫語者刺期門服小柴胡湯詳見于少陽篇大意

陽明病發黃治法詳見于類編太陰篇

小柴胡湯麻黃湯茵陳蒿湯梔子豉湯茵陳五苓散隨證擇

用

陽明病衄血治法

桂枝湯又有內熱者隨證擇方

少陽篇大意

少陽病者邪氣在表裡之間其經循脇絡膽故少陽受邪膽
即病內經曰少陽主膽此之謂也此或從太陽傳或從陽明
經傳或少陽直中或三陰病陽復熱勝邪氣浮客於此經皆
血弱氣盡膜理開邪氣因入與正氣相搏結于脇下所致也
其證口苦咽乾目眩而兼耳聾舌上黃白往來寒熱胸脇苦
滿或痛嘿嘿不欲飲食心煩喜嘔等證其脈弦或緊者是也
凡諸病見此證一二者不問何病皆名少陽病當就此篇求
其病原治法

太陽少陽合病併病治法

太陽少陽合病者。謂太陽脈浮。頭痛惡寒等證。與少陽脈弦。口苦咽乾。目眩耳聾。往來寒熱。胸脇苦滿等證。相合兼病者。也。若先見太陽證。後見少陽證者。謂之太陽少陽併病也。仲景立例示法。則言合病併病。若太陽多。少陽少。則言太陽病。及傷寒。如所謂傷寒四五日身熱云云。傷寒五六日嘔而發熱。傷寒六七日發熱微惡寒云云是也。其言雖不同。而其實皆二經脈證兼見者也。凡太陽傷寒證。而脈弦細者。為屬少陽。弦者少陽血弱之脈。細者少陽氣盡之脈。此因脾胃虛弱。太陽少陽二經受病之所致也。故今雖不見其證。後必當為少陽病。故雖見太陽表證。不可發汗。但宜用小建中湯。補其內。其內調和。為少陽本證。當用小柴胡湯。若為太陽少陽合病。隨證治之。其治法太抵有四。一曰太陽

少陽二經受邪者。捨太陽取少陽。以小柴胡湯主之。單解少陽。則太陽之邪自解。二曰太陽少陽二經受邪。而太陽之邪尚盛。少陽之邪未盛者。當兼治二經。柴胡桂枝湯。柴胡去人參。加桂枝湯。隨證擇用。三曰少陽熱盛。脾胃由是弱。清氣不升。而作下利。表氣由是不和。假兼太陽證者。但涼膽熱。補脾胃。則表證自除。黃芩湯。黃芩加半夏生薑湯。隨證擇用。四曰太陽少陽二經受邪。其邪盛。作痞滯者。刺大椎。肺腧。肝腧。以通經氣。內服小柴胡湯。柴胡桂枝湯。以解其邪。雖有表證。不可發汗。雖有裡證。不可下。

少陽病。半表裡熱。無裏虛證者。當和解之。

半表裡熱者。口苦咽乾。目眩。舌上白黃。小便黃赤。飲食喜冷。

惡熱而兼之往來寒熱胸脇苦滿或痛嘿嘿不欲飲食心煩
喜嘔等證此證但見一證便是不必悉具其脈弦或緊而有根有神者是也
如是而無一裏虛證者宜清涼和解小柴胡湯主之若有餘
證隨證加減加減法見于本經若脇滿而微結小便不利渴而不
嘔但往來寒熱心煩者可用柴胡桂枝乾薑湯若一有裏虛
證者不可用此二方○凡諸病一見少陽證則雖有表證不
可發汗雖有上實證不可吐雖有裡證不可下

少陽病兼裏虛者當先補之

凡口舌和小便清舌縮言澁四肢怠惰身體困倦陽脈濇陰
脈弦脈洪大而無根脈結促厥代滑數微瀉芤革寸脈微弱
關脈微弱尺脈微弱脈遲而無力飲食好溫熱惡寒冷渴飲

水而嘔或噦食穀而噦或嘔下利清穀手足厥冷大汗出筋
惕肉瞤戰慄腹中雷鳴小便多利遺尿腹中急痛凡少陽病
見此證此脈一二者不可用柴胡湯又大汗出後大吐後大
下後用滲利後用寒涼攻伐後用消導耗燥後雖有少陽證
不可用柴胡湯當先溫補其內小建中湯炙甘草湯吳茱萸
湯四逆湯真武湯八味丸烏梅丸黃連湯後人八物湯大補
湯益氣湯六君子湯逍遙散之輩隨證擇用用之雖其內調
和而少陽證未罷乃可用柴胡湯若變作他證則隨證治之
少陽病夾裡滯治法

仲景無說今詳諸篇之意而推之少陽病夾裏滯者宜用柴
胡湯加治滯藥若裡滯似少陽病者但治其滯則少陽假證

自除述其大槩如左

內熱

少陽病夾燥熱者小柴胡湯合白虎湯。或柴胡石膏

散柴胡解肌湯。夾濕熱者小柴胡湯。柴胡解毒湯。黃芩湯。若

內熱似少陽者白虎湯。竹葉石膏湯。白頭翁湯。滋陰降火湯。

痰飲

少陽病夾痰飲者柴苓湯。柴陳湯。柴胡湯合導痰湯。

痰飲似少陽者小青龍湯。五苓散。猪苓湯。

停酒

少陽病夾停酒者香薷散合柴胡湯。或香葛散合柴

胡湯。停酒似少陽者但用其本藥。

宿食

少陽病夾宿食者柴平湯。九味清脾湯。宿食似少陽

者七味清脾湯。香砂平胃散。

氣滯

少陽病夾氣滯者柴蘓散。即小柴胡湯 十味芎蘇散。

仲景柴胡飲子。氣滯似少陽者正氣天香湯。分心氣飲。

畜血

先用小柴胡湯。柴胡桂枝湯。解外後用桃核承氣湯。

抵當湯。九攻其血。若畜血似少陽者直用桃核承氣湯。抵當

湯丸。

熱入血室治法

熱入血室者邪熱入於血分也。此其人素血少而感邪。或婦
人感於邪而經水適來。或經後感於邪。邪氣乘虛而入也。若
血得熱而妄行。則或下血。或經行。若血得熱而結滯。則經斷
皆脾胃怯。少陽氣不升發之所致。治法俱用小柴胡湯。以補
脾胃。升發少陽氣。使邪氣引出於氣分。或刺期門以洩邪實。
則血分不治。自安。仲景舉陽明下血。及婦人經來之三證者。

但示熱入血室之例耳。今以此例推之。凡血分虛而感邪則雖不下血。雖不經來。而能為熱入血室之病。凡諸病晝日明了暮夜譫語。或寒熱如瘧。或瘧病夜發。發熱譫語者。皆為熱入血室。不問男女。宜用此法。若無裏虛者。先補之。而後用此法。又有宿食之證。晝日明了。夜間發熱譫語。而類夫熱入血室者。此因胃氣弱不能消食而然。仲景所謂病新差。日暮微煩。證之重者也。其脈多緩或濡。或弦數。其證或嘔逆惡心。或欬嗽吐痰。或心下痞悶。或腹滿微痛。或大便滑利。或夜間發熱。大汗出。或盜汗出。如此者。八解散。香砂六君子湯。香砂平胃散。人參養胃湯。七味清脾湯。葶藶散。若夫熱入血室。大汗出則解。且必無嘔逆惡心大便溏等證。不可不知也。

太陰篇大意

太陰脾經也。其脈布胃中而絡於噎。故太陰受邪。胃即病。其從三陽傳之熱證。仲景既列之於陽明篇。故此篇唯載太陰直受邪諸證也耳。不獨太陰也。少陰厥陰亦然。夫太陰之為病。腹滿而吐。食不下。自利益甚。時腹自痛。此脾胃虛而受邪之所致也。凡諸病腹滿而吐。腹滿而食不下。腹滿而自利。腹滿而時痛者。不問何病。皆名為太陰病。當就此篇求其病原。治法雖有陽明內實證。決不可下。誤下之則胸下結。鞭難治。太陰病當溫補之。

仲景曰。自利不渴者。屬太陰。以其藏也。

脾胃

有寒故也。當溫之。

宜服四逆輩。

輩者謂通脈四逆湯。茯苓四逆湯。薑附湯。等隨證擇用。

此示太陰病屬脾胃虛寒者皆當服四逆輩之例不止自利不渴一證也

太陰病因表邪者當治其表

太陰病有經與藏之別。夫太陰之脈布胃中故脾實不受邪者病獨在經。病在經則胃為之病也。脾虛受邪者從經入脾。入脾則藏獨病也。若脾胃俱虛受邪者經藏俱病也。大抵經獨病而不入藏者作腹滿而吐食不下自利益甚時腹自痛等證而脈浮也。治當發汗散其邪宜桂枝湯。若經藏俱病者其證雖同而脈不浮也。治當溫補其中宜服四逆輩。若脾獨病者腹滿時痛或腹中急痛或心中悸煩而無嘔吐下利。治當補脾陰宜小建中湯。若太陽病似裏實者誤下之或雖

不下而其人脾氣素弱表邪乘虛陷於太陰因腹滿時痛者

治當補散兼用桂枝加芍藥湯主之。即小建中湯太膠飴者此證若兼

胃實腹滿大痛手不可近者加大黃微利之。若脈弱續自便

利者但用本方。便利者大便不閉而通也非謂下利若下利者可用桂枝人參湯說見于類編

太陽傷寒繫太陰者後為三證辨

太陽傷寒證而其脈浮而緩手足自溫者此繫在太陰。若脈浮而

緊手足冷者此繫在少陰是兩感病若脈浮緊手足不冷無汗者專在太陽是表實病若脈浮緩身不疼時有輕者太陽

病兼水氣者並與此病不同宜詳分辨此太陽與太陰受邪者也其太陽之邪

化為熱太陰之邪化為濕乃濕熱相合矣此病後分為三證

若小便赤而不利者此脾胃強濕熱瘀鬱身當發黃治當早

利小便以除其濕熱。茵陳蒿湯茵陳五苓散若小便自利者

麻黃連軛赤小豆湯輩

利小便以除其濕熱

利小便以除其濕熱

利小便以除其濕熱

利小便以除其濕熱

脾胃弱濕勝熱少不能發鬱故不能發黃但畜於中治當補其脾胃小建中湯理中湯四逆湯隨證擇用補之至七八日脾家既實則所畜腐穢濕濁不能留于中而自去其自去時雖暴煩下利日十餘行而必自止不必用止利藥若熱勝濕少者補之至七八日脾家既實則其熱轉入胃中大便鞭實為陽明病宜就陽明篇求治法

發黃治法

仲景曰太陰身當發黃又曰寸口脈浮而緩浮則為風緩則為痺痺非中風四肢苦煩脾色必黃熱以行詳此二語則諸發黃者皆太陰病也故余類編取六經篇中發黃諸條皆列之於太陰篇云

凡發黃者皆因熱而成也熱者言濕熱熱鬱也然其病機亦不過於在表裡上下而作寒熱虛實焉故熱在表者可發汗表實者麻黃湯陽明篇所謂脈但浮無餘證者與麻黃湯是也麻黃醇酒湯表虛者桂枝加黃耆湯在裏者可涼之梔子蘘皮湯若在裡而實者可下之茵陳蒿湯梔子大黃湯大黃消石湯若畜血者抵當湯消礬散若在裏而無表者發散清涼兼施麻黃連軀赤小豆湯在上者可吐之梔子豉湯見于陽明篇瓜蒂散在下者可利之茵陳五苓散猪膏髮煎在表半裏者可和解之陽明篇病過十日脈續浮者與小柴胡湯又黃疸病篇諸黃腹痛而嘔者宜與紫胡湯是也已上諸證若裡虛者當先補之溫之小建中湯理中湯四逆湯真武湯炙甘草湯八味丸黃連湯小半夏湯葶藶散隨證擇用仲景六經篇

中所述特其大概也耳以黃疸篇參看其病機治法悉具

宿食作太陰病治法

仲景無說然宿食作太陰證者多無其說者蓋脫簡也然而熟讀通篇則雖無其說猶有也今述一得如九宿食作太陰病而無嘔逆惡心時腹切痛者當消導之厚朴生薑半夏甘草人參湯香砂平胃散香砂二陳湯消食散麴芽枳朮丸香砂六君子湯隨證擇用若氣上衝欲吐不得吐者當吐之瓜蒂散雞翎指探隨證擇用若氣上衝小便赤不吐不嘔腹滿痛手不可近者當下之大承氣湯小承氣湯枳實大黃湯木香導滯丸隨證擇用若脈實小便清腹滿痛手不可近者九痛丸神保丸三物備急丸隨證擇用若脈弱腹滿痛喜手

按或已經消導吐下其病增劇腹痛手不可近或已經消導吐下其病已衰或嘔吐不已或腹痛不已或心痛或心腹痞悶或下利不止或虛熱發渴或手足逆冷或汗出不止或脈洪大實強或脈微細濡弱如是者皆當補之小建中湯理中湯吳茱萸湯四逆湯六君子湯參苓白朮散錢氏白朮散關氏和中散錢氏益黃散八物湯益氣湯隨證擇用

少陰篇大意

少陰腎經也其脈貫腎入肝膈絡於肺繫舌本故經氣微虛而受邪之輕者淺則但上衝舌本作咽痛深則入肺主痰作咽中痛及咽傷生瘡不能語言聲不出及下利咽痛胸滿心煩等證若胃腎壯實陽神素盛之人但因一時有虛而受邪

則其陽為邪所鬱。寒變為熱。或入膈心。或入膀胱。或入胃中。內經曰。邪入陰經。則其藏氣實。邪氣入而不能客。故還之於府是也。若胃腎素虛。而受其邪者。淺則入肝。作下利。便膿血。證深則直入腎。作自利而渴。渴而小便白。脈陰陽俱緊。反汗出。吐利煩躁。下利清穀。遺尿遺屎。舌縮言澁。四肢厥冷。惡寒戰慄。裏寒外熱。筋惕肉瞤。神衰譫語等證。其始脈必微細。但欲寐也。故凡諸病。見脈微細。但欲寐。及無熱惡寒。則不問何病。皆名為少陰病。當就此篇求其病原治法。

少陰病藏寒者急當溫補胃腎復元陽

少陰之藏為腎。腎為元陽之舍。性命之根。故邪客於少陰而襲腎。元陽為此所窘。則周身陽氣不能發越。必見純寒證。而

脈亦見微細濡弱沈遲緊瀋等狀。甚者其脈伏絕也。此時不急溫以去其邪。則元陽閉固而死矣。猶火鬱閉則自滅也。若邪已入腎。元陽由是浮散於外。則周身陽氣皆隨浮于外。必見大熱證。而脈或微細濡弱。或沈遲緊瀋。或洪大動數。無根也。此時不急溫以去其邪。則元陽不能歸于舍而死矣。猶火被揮撒自滅也。此二證若其虛甚。其邪急者。一二日三四日中死。若其虛輕。其邪緩者。延引數日也。故一見少陰證。宜急圖之。傷寒死生在旬日之間。亦以其邪繫少陰故也。太陽傷寒其始皆繫少陰。故脈陰陽俱緊也。陰脈緊者。繫少陰之候也。若不繫少陰。單中太陽。則但為表虛中風。不能為傷寒。夫繫少陰者。猶然。况乎直中少陰者也。故凡一見無熱惡寒及脈微細但欲寐。及足冷脈沈緊等候。雖未備見。已陽虛寒諸證。

而皆為少陰病當急溫之。仲景曰：少陰病脈沈者急溫之。宜四逆湯。此之謂也。若已見也。陽虛寒諸證者。四逆湯。四逆加人參湯。通脈四逆湯。真武湯。白通湯。白通加豬膽汁湯。附子湯。吳茱萸湯。隨證擇用。若猶豫則元陽已絕。腎已為冰窟。但他藏與躬殼之殘陽未竭盡而延引時日耳。當此時雖遽治之。豈能救其萬一乎哉。故仲景苦述死證數條。以戒其猶豫也。

少陰病無表邪者當溫補無發散

少陰病不無表邪者始得之無熱惡寒也。其無表邪者始得之反發熱也。凡少陰病始得之反發熱惡寒。但欲卧或身疼腰痛。陰證無其脈沈大而無汗。或有脈浮者。說見于類編。手足不厥冷者。

少陰無太陽者也。始得一日麻黃附子細辛湯以發其汗。二

三日無餘證麻黃附子甘草湯以微發其汗。後人五積散聖

補兼發散諸方皆從此方出。若手足厥冷者。汗出者。嘔吐者。下利者。脈微

者。脈沈細數者。雖始得之反發熱不可發汗。已上言大槩也。其詳宜參考太

陽篇裡虛諸證。但宜用前溫補諸方。誤發汗則致下厥上竭也。陽諸

證難治。

少陰病無水氣者當溫補無利水

腎主水。液水液周流。陽之所為。陽虛則水液瘀滯矣。故少陰陽虛病無水氣者為多。其證腹痛。小便不利。四肢沈重。疼痛。自下利。或欬。或小便利。或嘔。真武湯加減主之。若欬而嘔逆。或咽痛。或小便不利。或下利。或喘。或噎。或發熱者。小青龍湯。

去麻黃加附子加減用之。心中悸者小便不利者下利者俱加茯苓白朮咽痛者加桔梗喘者加杏仁若腰痛少腹拘急或衝陰痛小便不利或渴或小便利或發熱者八味丸主之。作湯亦佳。已上二方非仲景所立而余用之。取效甚多。故附之云。

少陰病便膿血治法

少陰病下利便膿血者胃陽虛弱經邪衝肝也。肝藏血。今經邪衝肝。故不能藏血。血離常經而成膿血。胃氣弱不能分水穀。故下利便膿血也。治當溫胃理肝血。夏鍼刺少陰。徹其邪。桃花湯主之。若少陰病八九日。一身手足盡熱者。以熱在膀胱。必便血也。如此者當早除膀胱熱。

少陰病咽痛治法

少陰病二三日。咽痛無餘證者。為邪輕而經氣不和也。甘草湯以和之。若不愈者。肺氣閉也。桔梗湯以開之。和之。若經邪甚。肺燥生痰者。苦酒湯以下逆氣。去痰潤燥。收肺。若肺氣閉。生痰者。半夏散及湯以去痰。開肺行氣。若客邪生熱。肺燥氣閉。腸胃氣由是不和。致下利。咽痛。胸滿。心煩等證者。猪膚湯以補肺潤燥。涼客熱。熱去肺和。則下利自止。已上皆少陰之標病也。若腎虛邪甚。標本俱病者。通脈四逆加桔梗湯。以溫胃腎和肺氣。

按今所謂感冒。鼻塞聲重。或聲啞。咽痛。欬嚏噴。皆少陰經病也。不止于此。凡諸咽喉痛者。皆以為少陰病。宜取其病機。治法於此篇焉。今述感冒咽痛治法。一班如左。凡感

胃咽痛無餘證者甘草湯不差者桔梗湯若咽傷生瘡不能語言聲不出者苦酒湯若咽痛痰粘或發熱惡寒者半夏散及湯若咽痛下利胸滿心煩者猪膚湯若咽痛四肢厥冷或下利清穀裡寒外熱脈微者通脈四逆加桔梗湯若咽痛欬而嘔逆或喘者小青龍加桔梗湯有汗去麻黃足冷加附子若脾胃虛者小建中湯益氣湯若兼氣滯者半夏厚朴湯藿香正氣散參蘓飲敗毒散五積散隨證擇用此外更宜隨證博用諸方今之醫不知仲景之神方一見感冒證則例用夫敗毒十神五積香蘓參蘓正氣之類若其邪輕其人實者氣和而愈邪重人虛者延引數日而作瘡作勞作損作枯終就死路者徃徃目擊不亦痛歟

少陰病兼氣滯者當行之

少陰病兼氣滯者其人素有氣滯血由是不周流經氣虛弱而受邪者也四逆散加減主之。後人五積散聖散子。隨證擇用。

少陰病上實當吐之

脈證仲景本文明白故不述。但吐之可用瓜蒂散。

少陰病寒變作熱者當以寒劑攻之

少陰病寒變作熱者。口舌乾或舌上黃赤焦黑小便赤。飲食好冷惡熱。脈有根有神是也。熱客心膈者黃連阿膠湯以涼潤之。熱結於水道者猪苓湯以滲利之。熱結於胃中者大承氣湯以攻下之。此皆胃腎壯實陽氣有餘之人。但目一時之

虛少陰受邪陽氣為邪所鬱而致者也

少陽病似少陰者當和解之

邪氣客少陽陽氣微結則手足冷脈細沈緊似少陰病小柴胡湯主之仲景本文明白故不詳述

厥陰篇大意

厥陰肝經也肝陰中之陽其脈起於足指循陰器抵少腹挾胃屬肝絡膽上貫膈至巔頂故厥陰受邪肝為之病陰中之陽上奔作熱邪氣下客作寒必致陰陽互勝復為上熱下冷之證也陰勝則為寒陽勝則為熱陰陽否格則為膈熱胃寒病陰陽交和則其病愈凡太陽傷寒而兼厥利嘔噦等證者皆厥陰受邪也其病必先寒而後熱復寒而復熱其寒之日

數多熱之日數少者為陰勝而陽虛矣其熱之日數多寒之日

數少者為陰退而陽勝矣其寒熱之日數均者為陰陽交

和而其病愈矣若夫陰陽否格者此為厥陰本病矣其陰陽

勝復之際必有厥利嘔噦吐利霍亂等證仲景一一辨明其

脈證治法宋板傷寒論書厥利嘔噦附而分霍亂為一篇金匱

此王叔和沈目南編註要略補入霍亂皆不明之尤者也可

夫厥陰之為病消渴氣上衝心中疼熱飢而不欲食食

則吐衄凡諸病見此證一二者不問何病皆名厥陰病當就

此篇求其病原治法雖有陽明內實證不可下誤下之則下

利不止而死

厥陰病陰陽否格者當調和之

凡諸病消渴氣上衝心者。心中疼熱者。飢而不欲食者。食則吐者。時煩時靜而復煩者。見食而嘔者。吐蛇者。皆胃寒膈熱。陰陽否格之所致也。不問何病。皆以爲厥陰病。以烏梅丸主之。凡麻黃升麻湯。乾薑黃芩黃連人參湯。及太陽篇黃連湯。少陽篇黃芩加半夏生薑湯。壞病篇生薑瀉心湯。半夏瀉心湯。甘草瀉心湯。附子瀉心湯。皆此方之變也。○凡諸病屬寒者。妄用不當之熱藥。而其寒不去。反生熱。或屬熱者。妄用不當之寒藥。而其熱不去。反生寒。俱作陰陽否格。冷熱不和者。皆宜以此法治之。

陰陽勝復作厥熱治法

此仲景舉厥熱一端。以示陰陽勝復之機也。凡陰陽勝復之

病。不止厥熱。善讀此篇得其旨。則病雖千變萬化。亦不外于此機矣。仲景曰。凡厥者。陰陽氣不相順接。便爲厥。厥者。四肢逆冷是也。夫無病之人。陽在上。其氣接於下。陰在下。其氣順於上。則一身溫和。無厥熱之患也。若厥陰一受邪。陰不順於上。陽不接於下。則四肢逆冷。厥熱之病起矣。凡其不相順接也。有陽虛陰勝者。有陽勝陰負者。有陰陽互否格者。大抵陽虛陰勝者。因肝腎素虛而受邪也。其脈緊濡弱微細。或雖洪大動數而無根。其口舌和不乾。不渴。小便清白。四肢逆冷。或下利。或嘔。或噦。或噎。或吐利。霍亂寒甚於內。陽氣上衝者。或古上黃赤焦黑。而乾萎卷縮。或小便黃赤而多利。或失。或煩渴好溫湯。惡冷水。或渴飲冷水。而飲之便嘔。便噦。便腸鳴。

大小便利。其病或先厥後發熱。而復厥復發熱。或先發熱後厥。而復熱復厥。其厥也。陰邪勝欲逐陽也。其熱也。陽氣復欲退陰也。故其厥之日數多。發熱之日數少者。陽衰陰勝而病進也。甚則陽盡而死。其發熱之日數多。其厥之日數少者。陰衰陽勝而病退也。甚則陽實作熱。其厥與熱之日數均者。陰去陽平而病愈也。又有發熱與厥相無者。或有發熱而不厥者。或有厥而不發熱者。其證雖異。而其陽虛陰勝則一也。凡陽為熱。正氣也。生氣也。陰為寒。邪氣也。死氣也。故厥陰受邪。陽虛陰勝者。唯當務助其陽。以退其陰。雖其陽復作熱之時。而不可遽用寒劑。以伐其陽也。蓋其作熱者。以死陰尚伏於裡。未盡去故也。其死陰留伏之深者。間有用助陽藥。其病反

